

Alt Nussknagger

30 jähriges Jubiläum
1900 — 1930



„d'Schielerzelle“

1. Scho drissig Jahr mir knagge Nuss
Und hän de Lehrer zum Verdruss
E Schielerzelle proklamiert,
E Streik au dureg'fiehrt.
In Saché Fuessballstupferei
Kunt gli im Muffdampf d'Schuggerei,
Mir wänn kei Priegelstrof persee
Und au kei Strofglass meh.
2. Das Birsigtunnelbauprojegg,
Am Basler-Zopf, ganz gwiss veregg,
s'wär schad, dä Plan isch ganz famos,
Dä Saugschtangg wär me los.
Fir d'Saffrebrieder wär's kei Schlägg.
Wenn ihre Schiffslei keemt ewägg.
Und d'Säuplatzschiggse kennte jo.
Wenn's schifft, drinn unterstoh.
3. Im Utegässli heert me z'Nacht
E Gaischt, wo klopft und Lärme macht,
d'Professer und au d'Schuggerei
Durchsuecht s'Hus uf de Knei.
Drotzdem die ganz Wisseschafft
Das misterfösi Hus bigafft,
Me gar nit anders finde duet.
Als Wanze samt der Bruet.
4. E Frauchheim hän mir jetz bie,
Dä Stall wär recht fir alti Kieh,
Doen wär no guete Milchdrugg het,
Sott nit ellei in's Bett.
Me tebt doch nit vom Gmies ellei
Banane hän au keini Stei.
Und dorum isch au d'Eva gli
Fir Saft und Fleischkoscht gsi.
5. Die ganz Welt macht bleedi Pflänz.
Mit ihrer Scheenheitskonkurrenz.
E jedes Dorf, o jemine,
Si Keenigin will gseh.
Mir hättes llicht in unserm Kaff,
Mir wählte gar kei junge Aff,
All's zint'ge Has und wetterfescht,
Wär's Zittigsanni s'bescht.
6. In Spanie sucht der Lensch si Gligg,
Probiert der neischt Reklametrigg,
Me pflifft, und ruesst dert umenand,
Und kisst im Keenig d'Hand.
Bim Izug in d'Arena dert,
Me het's vo alle Site gher,
Du sigsch wie kein, s'haig alles glacht,
Grad wie zum Stierkampf gmacht.
7. O Bebbigmiet, fir frome Gschantk,
Als Kuehirt, muesch die Zahligsbank
Jetz gastfrei in die Stall ufneh,
Und au guet z'fresse geh
Hät jetz der Mieschler s'Melche glehrt,
Bi fremde Kieh, wie er als schneert,
So miesst er nit, als Stallknecht do
Jetz d'Milch de And're lo.
8. Im Boggstall z'Bern, nai dä Skandal.
Si wähle dert nit sozial,
De Rote me ganz unscheniert
Der Speck dur d'Schnurre zieht,
S'brucht halt zue som'ne Hirtehnab:
Im Bundesbus — kai andri Gab,
Als Berner z'si, und Flosse z'ha
Mit Melcherehneedli dra —!

Schlussobe vo de Comité-Schnitzelbänk
Sunntig der 16. März r'obe am siebeni
im Musigsaal
Kemmet Alli, siseh immer sauglunge.